

太平聖惠方

八九

太平聖惠方卷第八

凡二十五門
方計五十道

論二十四首

傷寒叙論

辯傷寒脉候

傷寒受病日數次第病證

辯太陽病形證

辯陽明病形證

辯少陽病形證

辯太陰病形證

辯少陰病形證

辯厥陰病形證

聖惠方
辯傷寒熱病兩感證候

辯傷寒熱病不可治形候

辯可發汗形證

辯不可發汗形證

辯可吐形證

辯不可吐形證

辯可下形證

辯不可下形證

辯可灸形證

辯不可灸形證

辯可火形證

辯不可火形證

辯可水形證

辯不可水形證

辯可溫形證

傷寒三陰三陽應用湯散諸方 五十道

病者皆由冬時觸冒寒氣所致非天行之氣也凡天行者
 為春時應暖而反大寒夏時應熱而反大冷秋時應涼而
 反大熱冬時應寒而反大溫此非其時而有其氣是以一
 歲之中長幼之病多相似者此則天行之氣也又土地寒
 熱溫涼高下不同物性剛柔餐居亦異是故黃帝興四方
 之間岐伯舉四療之能以訓後賢開其未悟臨病之工宜
 須詳審也又千金云人生天地之間命有遭逢時有否泰
 吉凶悔吝苦樂安危喜怒愛憎存亡憂畏關心之慮日有
 千條謀身之道時有萬計乃度一日是故天無一歲不寒
 暑人無一日不憂喜故有天行溫疫病者則天地變化之

千金外
 臺畏作
 之調和
 作能知

一氣也斯蓋造化必然之道不得無畏故聖人雖有補天
 立極之德而不能廢之能不雖廢之而能以道御之其次
 有賢人善於攝生調和樽節與時推移亦得保全天地有
 斯瘴癘還以天地所生之物以防備之命曰知方則病無
 所侵矣然此病也俗人謂之橫病多不解療皆云日滿自
 差以此致枉者天下大半凡始覺不佳便須救療若至於
 病即湯食競進折其毒勢自然而差必不可令病氣自在
 恣意攻人拱手待斃斯為誤矣夫得病一日在皮當摩膏
 火炙淋浴發汗則愈若不解者二日在膚可法針服解肌
 散發汗汗出則愈若不解至三日復一發汗則愈若不解

者則勿復發汗也至四日在胸宜服赤小豆瓜蒂散吐之則愈至五日在腹六日入胃則可下之若熱在胃外如誤下之其熱乘虛入胃然病要須下者又不得留於胃中也若胃實者熱毒爲病三死一生若胃虛者熱毒入胃卽胃爛熱微者赤斑出此候五死一生劇者黑斑出此候十死一生以病人各有強弱病有難易效相信也若得傷寒病無熱但狂言煩躁不安精彩言語與人不相主當勿以火導但以五苓散三二錢服之可與新汲水一升或一升半可至二升強飲之指刺喉中吐之隨手便愈若不便吐者此病皆多不善當以餘藥吐也又此病不急以猪苓散乃

吐解之者其斃速爾可先以發表之藥尤佳病者過日不已則不是熱不可下之者熱毒乘虛入胃亦令胃爛斑出也又春夏無大吐下秋冬無大發汗若冬及始春大寒宜服神丹圓亦可摩膏火灸若末春夏月初秋凡此熱月不宜火灸又不宜厚覆宜六味青散若無圓散及煎但用柴胡數兩煎服傷寒時行皆可服也亦可以發汗藥發汗不但一也直至再三發汗不解者當與湯實者宜轉下之其脉朝夕駛者爲實癖也朝平夕駛非癖也轉下湯可早與服但當少與勿令下多其間諸虛煩熱者與傷寒相似然不惡寒身不疼痛故知非傷寒也不可發汗若頭不痛

蒸于金
作熱

脈不緊數故知非裏實不可下也如此外內皆不可攻而醫強攻之必致危損多死難瘥也虛煩者但當與竹葉湯若嘔者與橘皮湯不愈可重與服也若得病連服湯藥發汗汗不出者皆死病也凡難得汗者日蒸之如蒸中風法蒸溫之氣於外迎之不得不汗出也

凡病發熱惡寒脈洪者便宜發汗後以粉粉之勿令著風若當發汗而其人適已失血及大下利者雖不可汗如此者數與桂枝湯使體中皦皦汗出連日如此自當解也夫表和裏病下之則愈汗之則死裏和表病汗之則愈下之則死夫如此則神丹不可以誤發其遂何可以妄攻然則

桂枝下咽表和則愈承氣入胃裏平則瘥明當消息病之狀候不可亂投湯藥虛此胃氣也經言脈微不可吐虛細不可下此醫之大禁也凡脈有浮沉轉能變化或人得病數日方以告醫雖云初覺視病已積日矣其病源已成非發汗所解當診其脈隨時救療必得差也不可苟以次第爲之失其機要乃致禍矣傷寒病三日已內發汗者謂當風解衣夜臥失覆寒溫所攻賊風相染易爲惡邪所中也至於人自飲食生冷過度腹臟不消轉動稍難頭痛身熱其脈實大者便可吐下不可發汗也凡人有小病覺不如常則須早療若隱忍不療冀望自差須臾之間以成痼疾

千金外
臺入作
爲

聖惠方
小兒女子益以滋甚若天行不和當自戒勤小有不安便
須救療尋其邪由及在腠理湯散以時鮮有不愈者若患
數日乃說邪氣入藏則難可制雖和緩之功亦無能入也
天行病五六日而渴欲飲水未宜多與也為腹中熱氣尚
少不能消之便更與人作病深矣若至七八日大渴欲飲
水者然當與之常令不足勿極意也云能飲一斗者而與
五升若飲小腹滿小便不利者若喘若噦者不可與之澀
然大汗出者已愈也凡人得病能飲水者為欲愈也若小
渴而強與之因此成禍者其數極衆凡傷寒病若錯醫療
禍如反掌其病有相類者傷寒熱病風溫病陽毒溫疫天

行時氣死生不同形候亦別宜審而詳也

辨傷寒脉候

夫脉有陰陽何謂也凡脉洪大浮數動滑皆為陽也脉沉
瀯弱絃微皆為陰也凡陰病見陽脉者生陽病見陰脉者
死脉有陽結陰結者何以別之凡脉浮而數能食少大便
者此為實名曰陽結期十七日當劇其脉沉而遲不能食
身體重大便硬者名曰陰結期十四日當劇病有瀉浙惡
寒者何也凡陰脉不足陽往乘之陽脉不足陰往乘之假
使寸口脉微名曰陽不足陰氣上入陽中則洒淅惡寒也
尺部脉弱名曰陰不足陽氣下入陰中則發熱陽脉浮陰

脉弱弱者則血虛筋急也其脉沉者榮氣微也其脉浮汗如流珠者衛氣衰也榮氣微者加燒針若血留不行者更發熱而煩躁也脉藹藹如車之蓋者名曰陽結也累累如循長竿者名曰陰結也脉漈漈如羹上肥者陽氣微紫紫如蜘蛛絲者陰氣衰綿綿如瀉漆之絕者亡其血脉來緩時一止復來者名曰結脉來數時一止復來者名曰縱陽脉盛則縱陰脉盛則結此皆病脉陰陽相搏名曰動也陽動卽汗出陰動卽發熱若形冷惡寒者三焦傷也病有顫而汗出因得解者何謂也凡脉浮而緊按之反扎此爲本虛故當顫而汗出也以本虛是以發顫以脉浮故當汗出

得解若脉浮而數按之不扎此本不虛也病若欲自解者但汗出爾不發顫也又病有不顫而汗出解者何也凡脉浮大而數故自汗出而解又病有不顫不汗而解者何也凡脉自微此已曾發汗或吐下或亡血內無津液陰陽自和必自愈也故不顫不汗而解傷寒三日脉浮數而微患人身涼和者何也凡有此候爲欲解也以夜半脉浮而濺濺然汗出也脉數而解者必能食也脉微而解者大汗出也病欲知愈及未愈者何以別之凡寸口關上尺中三處大小浮沉遲疾俱等有寒熱不解者此脉陰陽和平雖劇令愈也立夏得洪大脉是其本位而病人身體若疼痛者

三子
三子
三子
三子

須大發汗也若身不疼痛者不須發汗汗自出也當解也寸口脉浮為在表沉為在裏數為在府遲為在藏假令脉遲為在臟也跌陽脉浮而濇少陰脉如經者其病在脾也法當下利何以知之若脉浮大者氣實血虛也今跌陽脉浮而濇故知脾氣不足胃氣大虛也以少陰脉絃而沉此謂調脉故稱如經也若反滑而數者當知溺膿也寸口脉浮而緊浮即為風緊即為寒風即傷衛寒即傷榮榮衛俱病骨節煩疼當須發汗跌陽脉遲而緩胃氣如經也跌陽脉浮即傷胃數即動脾此非本病因下之所為也大發其汗又數下之其人亡血病當惡寒後乃發熱無休止時五月

跌陽脉
浮下傷
寒論有
而數浮
之三字

盛熱欲著厚衣冬月盛寒欲裸其身所以然者陽微即惡寒陰微而惡熱此以醫發其汗使陽氣微又大下之令陰氣弱五月之時陽氣在表胃中虛冷以陽氣內微不能勝冷故欲著衣十一月之時陽氣在裏胃中煩熱以陰氣內弱不得勝熱故欲裸身又陰脉遲濇故知亡血脉浮而大身汗如粘喘而不休漿水不下形體不仁乍靜乍亂此為命絕也未知何藏先受其病若汗出髮潤而喘不休者此為肺絕也身如烟熏直視搖頭此為心絕也唇吻反青四肢熱習者此為肝絕也環口黧黑大汗發黃者此為脾絕也大小便遺失狂語目反視者此為腎絕也又未知何藏

大傷寒
論作洪

粘傷寒
論作油

大傷寒
論作茶

陰陽前絕也若陽氣前絕陰氣後竭者死必肉色青也若
 陰氣前絕陽氣後竭者死必肉色赤腋下温心下熱也寸
 口脉浮大而反下之此為大逆浮即無血大即為寒寒氣
 相搏即為腸鳴醫乃不知反飲冷水令汗大出水得寒氣
 冷必相搏其人即體跌陽脉浮浮即為虛浮虛相搏故令
 氣澀而胃氣虛竭脉滑即噦脉浮鼻口燥者必衄也諸脉
 浮數者當發熱而灑淅惡寒若食飲如常者穢積有膿脉
 浮而遲面熱如赤顛惕者六七日當汗出而解而反發熱
 者差遲遲為無陽不能作汗其身必癢寸口脉及陰陽俱
 緊法當清邪中於上焦濁邪中於下焦清邪中於上名為

動傷寒
論作熏
衛氣不
通傷寒
論作衛
前通

潔也濁邪中於下名為渾也陰中於邪必心慄也表氣微虛
 裏氣不守故邪中陰也陽中於邪必發熱項強腰痛脛痠
 所為陽中霧露之氣故曰清邪中於上也濁邪守於下陰
 氣為慄足膝逆冷便溺妄出表氣微虛裏微急三焦相渾
 內外不和也上焦蕪鬱藏氣即相動致口爛蝕斷也中焦
 不治胃氣上衝脾氣不轉胃中為濁榮衛不通血凝不流
 若衛氣不通者小便赤黃與熱相搏因熱作使遊於經絡
 出入藏府熱氣所過則為瘰癧也下焦不闔清便重下大
 便數難臍腹疼痛脉陰陽俱緊者以下焦氣出唇口乾燥蹠
 臥足冷鼻中涕出舌上苔滑勿妄治也傷寒七日已上其

傷寒論
寒風作
風虛浮
滑作陽
實

人微發熱手足温者此為欲解也傷寒八日已上大發熱者此為難治也設使惡寒者必欲嘔也腹中痛者必欲利也病六七日三部脉皆大心煩口噤不能言其人躁擾者此為欲解也脉浮而數浮為風數為虛風為熱虛為寒寒風相搏則灑淅惡寒也脉浮而滑浮為陽滑為實浮滑相搏其脉數疾此衛氣失度浮滑之脉數疾發熱汗出者此不可治也傷寒欬而上氣其人形損脉散者死

傷寒受病日數次第病證

傷寒一日足太陽受病太陽者膀胱之經也為三陽之首故先受病其脉絡於腰脊主於頭項故得病一日頭項腰

脊痛也傷寒二日足陽明受病陽明者胃之經也主於肌肉其脉絡於鼻入於目故得病二日肉熱鼻乾不得眠也諸陽在表表之始受病在皮膚之間故可摩膏火灸發汗而愈也凡五藏不和六府不通榮衛不行如是之後三日乃死何也夫足陽明者胃之脉也十二經之長也其氣血盛故不通三日其氣乃盡故死爾其未滿二日者可汗而已其滿三日者可下而已也傷寒三日足少陽受病少陽者膽之經也其脉循於脇上於頸耳故得病三日胸脇熱而耳聾也三陽經絡始相傳病未入於臟可汗而解也傷寒四日足太陰受病太陰者脾之經也為三陰之首是故三

日已後陽受病訖傳之於陰而太陰受病焉其脉絡于脾
主於喉嗌故得病四日腹滿而嗌乾其病在胸膈故可吐
而愈也傷寒五日足少陰受病少陰者腎之經也其經貫
腎絡肺繫於舌故得病五日口熱舌乾渴而引水也其病
在腹故可下而愈矣傷寒六日足厥陰受病厥陰者肝之
經也其脉循陰器絡於肝故得病六日煩滿而陰縮也此則
陰陽俱受病毒氣在胃可下而愈矣七日太陽病衰頭痛
小愈又傷寒七日病法當小愈陰陽諸經傳病終故也今
七日已後病反甚者欲為再經病也再經病者經絡重受
病也傷寒八日陽明病衰身熱小愈又八日不解者或是

腹胃素
問及甲
乙作腹
減

諸陰陽經絡重受於病或因發汗吐下之後毒氣未盡所
以病證猶在也傷寒九日少陽病衰耳聾微聞又傷寒九
日已上病不除者或初一經受病則不能相傳或已傳三
陽訖而不能傳於陰致停滯累日病證不解故日數多而
病候改變也傷寒十日太陰病衰腹胃如故則思欲飲食
傷寒十一日少陰病衰渴止不煩滿舌乾已也傷寒十二
日厥陰病愈囊縱小腹微下毒氣皆去病日已矣

辨太陽病形證而與之者辨自發與否其自出者
傷寒一日太陽受病若脉靜者未傳諸藏煩躁欲吐脉急
數者乃傳別藏也宜桂枝湯其初發時宜桂枝湯太醫中

太陽病

傷寒論
弱上有
陰字

太陽為病頭痛項強而惡寒其脉浮數宜桂枝湯太陽中風發熱而惡寒宜桂枝湯

太陽病中風其脉陽浮而弱弱者熱自發弱者汗自出瀋瀋惡寒翕翕發熱鼻鳴乾嘔宜桂枝湯

太陽病發熱汗出此為榮弱衛強故使汗出欲去其邪更

宜服桂枝湯

太陽病若下之其氣必上衝可與桂枝湯

太陽病發其汗汗出不止者其人必惡寒小便難四肢拘

急者宜桂枝附子湯

太陽病若下之其脉促胸中滿宜桂枝湯

太陽病外證未解不可下也宜服桂枝湯發其汗
太陽病下之不愈其脉浮者為在外汗之則愈宜桂枝湯
太陽病服桂枝湯煩熱不解者當先針風池風府穴乃與桂枝湯即愈

太陽病自汗出此為榮氣和衛氣不和榮行脉中衛行脉外復發其汗表和即愈宜桂枝湯

太陽病時自發熱汗出不愈者此衛氣不和也當更發汗即愈宜桂枝湯

即愈宜桂枝湯

太陽病發汗已解三日後復煩躁其脉浮數者可復發其汗宜桂枝湯

太陽與陽明合病喘而胸滿不可下也宜麻黃湯

太陽病脉浮緊無汗發熱身痛心煩目瞑劇者必衄衄者欲解也宜麻黃湯

太陽病頭痛發熱身體骨節疼痛惡風無汗而喘者宜麻

黃湯

太陽病脉浮而數者可發其汗宜麻黃湯

太陽與陽明合病而自利宜朮附湯

太陽與陽明病而不利但嘔者宜葛根半夏湯

太陽病項背強無汗而惡風者宜麻黃湯

太陽中風脉浮緊發熱惡寒身體疼痛宜大青龍湯

太陽病脉浮緩其身不疼但重或有輕時無少陰證者宜

大青龍湯

太陽病表不解心下有水氣乾嘔發熱或渴或利小腹滿

或喘者宜小青龍湯

太陽病發汗汗出不解其人仍發熱心下悸頭眩身瞤動宜

玄武湯

太陽病不解結熱在膀胱其人如狂其血自下其外不解

尚未可攻當解其外宜桂枝湯外已解小腹結者乃可攻

之宜桃人承氣湯

太陽病及下之遂痢不止汗出者宜葛根黃連湯

太陽病吐下發汗後而微煩小便數大便堅宜小承氣湯
太陽病發汗大汗出胃乾煩躁不得眠其人欲飲水當稍
稍飲之令胃氣和即愈脉浮小便利微熱渴者宜五苓散
太陽病發汗後脉浮而數煩渴者宜五苓散
太陽病汗出而渴宜五苓散不渴宜伏苓散

太陽與少陽合病而自利者宜黃芩湯嘔者加半夏生薑

湯

太陽病發汗後腹脹滿者宜厚朴湯

太陽病發汗後心下痞滿宜瀉心湯

太陽病汗出後胃中不和心下痞堅乾噫食臭腸下有水

氣腹中雷鳴而利宜半夏瀉心湯

太陽病外未解數下之遂夾熱而利下不止心下痞鞭表

裡不解宜桂枝人蔘湯

辨陽明病形證

傷寒二日陽明受病陽明者胃中寒是也宜桂枝湯

太陽病而發汗汗雖出復不解不解者轉屬陽明也宜麻

黃湯

陽明病外證身熱汗出而不惡寒但惡熱宜柴胡湯

陽明中風頭痛口苦腹滿微喘發熱惡寒脉浮而緊下之

即小便難宜桂枝麻黃湯

陽明中寒不能食小便不利手足濇然汗出欲作堅瘕也
所以然者胃中水穀不化故也宜桃人承氣湯

陽明病能食下之不解其人不能食攻其熱必噦者胃中
虛冷也宜半夏湯

陽明病脉遲發熱頭眩小便難此欲作穀疸下之必腹滿
宜柴胡湯

陽明病當多汗而反無汗身如蟲行皮中之狀此為久虛
故也宜木附湯

本陽明病反無汗但小便利嘔而欬手足厥其頭必痛宜
建中湯

本陽明病脉浮而緊必發潮熱其脉浮者宜黃芩湯

陽明病無汗小便不利心中熱壅必發黃也宜茵陳湯

陽明病被火灸其額上微有汗出小便不利者必發黃也

宜茵陳湯

陽明病口乾但漱水不欲咽者必鼻衄也宜黃芩湯

陽明病若小便少者津液當還入胃中故也凡發汗太過

故令大小便難宜伏苓湯

陽明病當心下堅滿不可下之宜半夏湯

陽明病不吐下而煩者可與承氣湯

陽明病其脉遲雖汗出不惡寒其身必重腹滿而喘有潮

熱可攻其裏手足濇然汗出爲大便秘已堅宜承氣湯

陽明病若汗出多而微惡寒爲外未解無潮熱不可與承氣湯也若腹滿大便難可與小承氣湯和其胃氣勿令下多陽明病有潮熱大便堅可與承氣湯若有結燥乃可徐徐攻之若無壅滯不可攻之攻之若必腹滿不能食欲飲水者卽噦其後發熱必腹堅脹宜與承氣湯

陽明病譫語妄言發潮熱其脉滑疾者宜承氣湯

陽明病脉浮咽乾口苦腹滿汗出而喘不惡寒反惡熱心

躁譫語不得眠胃虛客熱舌燥宜梔子湯

陽明病若脉浮發熱渴而欲飲水小便不利宜猪苓湯

陽明病若脉浮遲表熱裏寒下痢水穀宜四逆湯

陽明病若胃中虛冷其人能食飲水卽噦脉浮發熱口鼻中燥能食者必衄宜黃芩湯

陽明病汗出多而渴者不可與猪苓湯汗多者胃中燥也

汗少者宜與猪苓湯利其小便

陽明病因下之其外有熱手足溫者心中煩壅飢而不能

食頭有汗出宜梔子湯

陽明病發潮熱大便溏小便自利胸脇煩滿不止宜小柴

胡湯

陽明病脇下堅滿大便秘而嘔口燥宜柴胡湯

陽明病中風其脉浮大短氣心痛鼻乾嗜臥不得汗一身
悉黃小便難有潮熱而噦耳前後腫刺之雖小差外若不

解宜柴胡湯

陽明病其脉遲汗出多而小惡寒為表未解宜桂枝湯

陽明病脉浮無汗其人必喘當須發汗宜麻黃湯

陽明病發熱而汗出此為熱退不能發黃也但頭汗出身
體無汗小便不利渴引水漿此為瘀熱在裏必發黃也宜

茵陳湯

陽明病其人喜忘必有畜血為本有瘀熱大便必秘宜抵

當湯

陽明病脉實者當下脉浮虛者當汗下者宜兼氣湯汗者

宜桂枝湯

陽明病發作有時汗不解腹滿痛宜兼氣湯

陽明與少陰合病而自利脉浮者為順也滑而數者有宿

食宜兼氣湯

陽明病脉浮發熱無汗表不解渴欲飲水宜白虎湯

辨少陽病形證

傷寒三日少陽受病口苦乾燥目眩宜柴胡湯

少陽病脇下堅滿乾嘔不能飲食往來寒熱若未吐下其脉沉緊可與柴胡湯

少陽病若已吐下發汗譫語服柴胡湯若不解此欲為狂病隨其證而治之

少陽中風兩耳無所聞目赤胸中滿而煩不可吐下吐下則悸而驚宜柴胡湯

傷寒病脉弦細頭痛而發熱此為屬少陽少陽不可發汗動則譫語為屬胃胃和即愈不和即煩而悸宜柴胡湯

傷寒三日無大熱其人煩躁此為陽去入陰故也宜伏苓湯

辨太陰病形證

傷寒四日太陰受病腹滿吐食下之益甚時時腹痛心胸堅滿若脉浮者可發其汗沉者宜攻其裏也發汗者宜桂枝湯攻裏者宜承氣湯

太陰中風四肢煩疼其脉陽微陰澁而長為欲愈也宜青龍湯太陰病利而不渴者其藏有寒當溫之以四逆湯

傷寒脉浮而緩手足自溫是為繫在太陰小便不利其人當發黃宜茵陳湯

太陰病不解雖暴煩下利十餘行而自止所以自止者脾家實腐穢已去故也宜橘皮湯

家實腐穢已去故也宜橘皮湯

文二半
背也
而小

太陽病下之後腹滿時痛宜桂心芍藥湯若太實腹痛者宜美氣湯下之

辨少陰病形證

而不下
傷寒論
有吐心
之二字

傷寒五日少陰受病其脉微細但欲寐其人欲吐而不煩五日自利而渴者屬陰虛故引水以自救小便白而利者下焦有虛寒故不能制水而小便白也宜龍骨牡蠣湯少陰病欬而下利譫語是為心臟有積熱故也小便必難宜服猪苓湯少陰病脉細沉數病在裏不可發其汗宜美氣湯少陰病下利止惡寒而蹇手足温者可治也宜建中湯

少陰病惡寒而蹇時時自煩不欲厚衣宜大柴胡湯少陰病而一身手足盡熱熱在膀胱必便血也宜黃芩湯少陰病其人吐利手足不逆反發熱者宜葛根半夏湯少陰病始得之其人發熱脉反沉者宜麻黃附子湯少陰病身體痛手足寒脉沉者宜四逆湯少陰病下利膿血者宜桃花湯少陰病其人吐利手足逆煩躁者宜吳茱萸湯少陰病下利咽痛胸滿心煩宜猪苓湯少陰病咽痛者宜甘草桔梗湯少陰病下利宜白通湯

論傷寒
作膽

少陰下利服白通湯止後厥逆無脉煩躁者宜白通猪苓湯其脉暴出者死微微續出者生

少陰病四肢心腹痛小便不利或欬或嘔此為有水氣宜玄武湯

少陰病下利水穀裏寒外熱手足厥逆脉微欲絕身反惡寒其人面赤或腹痛或乾嘔或咽痛或時利止而脉不出者宜四逆湯

少陰病下利欬而嘔煩渴不得眠者宜猪苓湯

少陰病口燥咽乾急下之宜養氣湯
少陰病利清水色純青心下必痛口乾燥者宜大柴胡湯

少陰病其人腹滿不大便者急下之宜養氣湯

少陰病其脉沉者急當溫之宜四逆湯

少陰病其人飲食則吐心中溫溫欲吐復不能吐手足寒

脉弦遲此胸中實不可下也當宜吐之宜瓜蒂散

少陰病若膈上有寒飲乾嘔者不可吐當溫之以四逆湯

辨厥陰病形證

傷寒六日厥陰受病其脉微浮為欲愈不浮為未愈也宜

建中湯

傷寒六日渴欲飲水者宜猪苓湯

傷寒六日煩滿而囊縮此則毒氣在臟可下而愈宜小養

汗論
傷寒
作
證

聖惠方

少陰下利服白通湯止後厥逆無脉煩躁者宜白通猪苓湯其脉暴出者死微微續出者生

少陰病四肢心腹痛小便不利或欬或嘔此為有水氣宜玄武湯

少陰病下利水穀裏寒外熱手足厥逆脉微欲絕身反惡寒其人面赤或腹痛或乾嘔或咽痛或時利止而脉不出者宜四逆湯

少陰病下利欬而嘔煩渴不得眠者宜猪苓湯

少陰病口燥咽乾急下之宜承氣湯

少陰病利清水色純青心下必痛口乾燥者宜大柴胡湯

少陰病其人腹滿不大便者急下之宜承氣湯

少陰病其脉沉者急當溫之宜四逆湯

少陰病其人飲食則吐心中溫溫欲吐復不能吐手足寒

脉弦遲此胸中實不可下也當宜吐之宜瓜蒂散

少陰病若膈上有寒飲乾嘔者不可吐當溫之以四逆湯

辨厥陰病形證

傷寒六日厥陰受病其脉微浮為欲愈不浮為未愈也宜

建中湯

傷寒六日渴欲飲水者宜猪苓湯

傷寒六日煩滿而囊縮此則毒氣在臟可下而愈宜小承氣湯

氣湯

傷寒六日身體熱惡風頸項強脇下滿手足溫而渴宜小

柴胡湯

傷寒六日陽脉澁陰脉弦者腹中急痛先與小建中湯不

差宜大柴胡湯

傷寒六日發汗吐下後虛煩不得眠劇者心神顛倒宜施

子湯

傷寒六日已發汗及下之其人胸脇滿大腸微結小腸不

利而不嘔但頭汗出往來寒熱而煩此為未解宜小柴胡

桂枝湯

傷寒六日發熱微惡寒肢節煩疼心下支滿外證未去宜

柴胡桂枝湯

傷寒六日大下之後身熱不去心中結痛此為欲解宜施

子湯

傷寒六日下之腹滿煩驚小便不利譫語一身不可轉側

宜柴胡湯

傷寒六日不解結熱在裏但熱時時惡風大渴舌乾煩燥

宜白虎湯

傷寒六日風濕相搏身體疼痛不能轉側脉浮虛而濇宜

木附陽

針香

字無

傷寒病六日後至八日九日如瘧熱多寒少一日再發其

脉微緩者為欲愈脉微而惡寒者此陰陽俱虛俱虛不可

復吐下也發汗面色赤有熱者為欲解宜服桂枝麻黃湯

辨傷寒熱病兩感證候

夫熱病者皆傷寒之類也或愈或死其死生以六七日間

其愈皆以十日已上者何也夫巨陽者諸陽之屬也其脉

連於風府故為諸陽主氣人之傷於寒也故則為病熱熱

雖甚不死其兩感於寒而病者必死夫兩傷於寒病者一

日則巨陽與少陰俱病故頭痛口乾煩滿而渴足大陽 膀胱之經

足少陰是 腎之經也二日足陽明與足太陰俱病則腹滿體熱不食

生素問 作皆

素問故 字無

譫言足陽明胃之經也三日則足少陽與足厥陰俱病則耳聾

囊縮水漿不入口則不知人六日而死矣足少陽膽之經 足厥陰肝之經

也是為六經陰陽表裏者也陽為府主表陰為藏主裏藏

府俱病故曰兩感三日而死者為一日兩經受病故曰兩

感是表裏俱病故六日而死矣

傷寒熱病不可治形候

傷寒三部脉陰陽俱盛大汗出而解者不可治

傷寒陰陽俱虛熱不止者不可治

傷寒脉至乍數乍疎者不可治

傷寒譫言妄語身有熱脉浮大手足温者生脉沉細手足

逆冷者不可治

傷寒欬而上氣其脉散者不可治

傷寒熱盛脉浮大者生沉小者不可治

傷寒已得汗脉沉小者生浮大者不可治

傷寒譫語直視而喘者不可治

傷寒下利厥逆躁不能臥者不可治

傷寒發熱下利至厥不止者不可治

傷寒病惡寒踈而利手足逆者不可治

傷寒五六日脉微細沉但欲臥汗出不煩時自吐利復煩

躁不得臥寐者不可治

作靈極
下發赤

傷寒六七日喘息高者不可治口滿而干古熱譫語者不可治

傷寒發汗不出若大瀉發者不可治

傷寒洩而腹滿甚者不可治而泄利者不可治

傷寒目不明熱不已者不可治

傷寒老人嬰兒熱而腹滿者不可治

傷寒汗不出嘔血者不可治

傷寒舌本爛熱不已者不可治

傷寒欬血而衄汗不出出不至足者不可治

傷寒髓熱者不可治

傷寒熱而瘧者不可治

傷寒熱病腰折瘰癧齒噤者不可治

傷寒下利後脉絕手足厥冷脉不還者不可治

傷寒四逆惡寒脉不至其人不熱而躁者不可治

熱病脉代者一日死

熱病二三日身體熱腹痛頭痛食飲如故脉直而疾者至合不可治

熱病三四日腰已下不得汗脉大疾者生脉細小難得者

不可治

熱病四五日頭不熱腹不痛而吐脉來微細至十二日不

可治

熱病七八日其脉微小便如黑口乾脉代舌焦乾黑者不

頭不熱
腹不痛
脉經作
滿頭痛腹

可治

熱病七八日脉微小病人便血口中乾一日半而死

熱病七八日脉不躁不數後三日中有汗三日不汗者死

熱病八九日頭不疼身不痛目不明色不變而反利脉來

壘壘按不彈手時大心下堅者至十七日不可治

熱病已得汗而脉尚躁盛此陰脉之極也死

熱病脉常盛躁而不得汗者此陽脉之極也死脉盛躁得

汗者生也

熱病已得汗體熱不去者不可治

熱病其人穰穰大熱脉細小者不可治

熱病下痢不止腹中痛甚者不可治

辯可發汗形證

大法春夏宜發汗

脈經虛
上有陽
字

凡發汗欲令手足周徧汗出熱熱益佳不欲流離病若不
解當復發汗汗多則無陽虛則不得重發汗也

凡欲發汗中病便止不必須盡劑也

太陽病脈浮弱者宜發汗也

太陽病脈浮數者宜發汗也

陽明病脈遲汗多而微惡寒者外未解宜發汗

陽明病脈浮數者宜發汗

太陽病常自微微汗出更宜發汗

凡脈浮而緊者浮則為風緊則為寒宜發汗

太陽病下之微喘者外未解也宜發汗

太陽病發熱汗出而惡寒宜發汗

辯不可發汗形證

凡脈沉數病在裏不可發汗無陽故也

凡脈尺中遲不可發汗榮衛不足血少故也

凡脈微軟弱者不可發汗

凡咽中閉塞不可發汗

凡腹中有動氣在左右者不可發汗

而
錄
錄

煩燥脉
經胃燥
而煩

凡有動氣在上不可發汗發汗則氣衝於上在心端也
凡有動氣在下者不可發汗則心中大煩目運惡寒飲食
則吐

凡諸動氣脉微弱者皆不可發汗汗則小便難脬中乾煩
燥也

凡咽燥者不可發汗

凡失血者不可發汗發汗必恍惚心亂

凡積熱在藏不宜發汗汗則必吐口中爛生瘡

凡下利水穀忌攻其表汗出必脹滿欬嗽小便利者不可

攻其表汗出即逆

辨可吐形證

凡服湯吐者中病便止不必盡劑也

大法春夏宜吐凡病頭不強痛寸口脉浮胸中痞滿上衝
喉咽不得息此為有痰當宜吐之

夫胸心滿實胸中鬱鬱而痛不能食多涎唾下利其脉反
遲寸口脉數此可吐之

病者手足冷脉乍結在胸心下滿而煩飢不能食病在胸
中當宜吐之

傷寒胸滿痰逆乾嘔熱嗽及肺壅噎膿等宜吐之

夫宿食在胃管宜吐之

脉經作
下有緊
字

辯不可吐形證

太陽病惡寒而發熱自汗出而反不惡寒發熱關上脉細數者不可吐之

少陰病其人欲食食則吐心中温温欲吐復不能吐手足

寒脉弦遲乾嘔此膈上有寒飲不可吐之當宜温之

諸四逆者不可吐之

諸虛羸不可吐之

新產者不可吐之

病者惡寒而不欲近衣不可吐之

辯可下形證

大法秋宜下凡以湯勝圓中病便止不必服之

少陰病得之口燥咽乾宜急下之

入字疑衍

傷寒病人腹滿不大便者亦然

傷寒下利三部脉皆和按其心下堅宜急下之

傷寒下利脉遲滑者實也其利未得便止當更宜下之

傷寒病腹中滿痛者為實當宜下之

傷寒脉數而滑者有宿食當下之則愈

傷寒六七日目中瞳子不明無外證大便難微熱者此為

實宜急下之

太陽病七八日脉微浮者其人發狂此下焦有熱小腹當

堅而滿小便自利下血乃愈瘀熱在裏故也宜下之
陽明病但頭汗出其身無汗小便不利渴飲水漿此爲瘀
熱在裏身如發黃宜急下之
傷寒有熱而小腹滿者小便反利爲有蓄血當宜下之
傷寒病五六日不大便繞臍痛煩燥汗出者此爲有結汗
出後則暫解日晡則復發脈實者當宜下之
傷寒七八日身黃如橘小便不利其腹微滿者宜下之
陽明病其人多汗津液越出胃中有熱大便必堅宜下之
傷寒大下後六七日不大便煩熱不解腹滿如痛者此有
宿食宜下之

傷寒病小便不利大便乍難乍易時有微熱不能臥此胃
內有結燥故也宜下之

傷寒脈濡而弱陽氣不足不可下之下之則心下痞津液

內竭咽燥鼻乾也

傷寒脈浮而緊浮則爲風緊則爲寒風則傷榮寒則傷衛
榮衛俱病骨節煩疼當發其汗而不可下也

傷寒脈浮濡弱不得發汗無陽故也陽已虛尺中弱澁者
不可下

傷寒結胸證其脈浮大不可下下之即死矣

太陽與陽明合病喘促胸滿不可下之

太陽與少陽合病心下堅頸項強而眩不可下也

夫四逆病厥者不可下也

夫病欲吐者不可下也

夫病有外證未解不可下之下之為逆也

夫病發於陽而反下之熱入於咽作結胸也

太陰病其人腹滿吐食不可下下之益甚

少陽病當心下堅滿不可下之後利不止者死

辯可灸形證

少陰病其人雖裏和其病惡寒者宜灸之

於咽傷寒論作因字

不順脈經作厥不還

脈下脫浮字

少陰病吐利手足逆而發熱脈不至者灸其少陰

夫吐下手足厥無脈者當其厥陰灸之不溫反微喘者死

傷寒六七日脈數手足厥煩躁不已灸厥陰不順者死

辯不可灸形證

凡微數之脈不可灸因熱為邪必致煩逆內有損骨傷筋

血枯之患脈當以汗解反以灸之邪無所去因火而盛病

當必重此為逆治若欲解者當發其汗而解也

辯可火形證

凡下利後下部中痛當溫之宜炒枳實若熬鹽等熨之

辯不可火形證

傷寒寸口脉浮而弱卽血氣虛衛氣微其脉浮則汗出如流珠衛氣微榮氣虛故脉浮汗出也太陽病中風以火劫其汗風被火熱卽令血氣流失常有微熱其身發黃陽盛卽衄陰虛卽小便難陰陽俱虛竭身體枯燥但頭汗出至頸而還腹滿微喘口乾咽燥或不大便甚者噦手足躁擾循衣摸床若心下滿小便利者其人可治小便不利者不治

治

傷寒脉浮而以火逼劫汗卽亡陽必驚狂臥起不安

太陽病以火熏之不得汗者其人必燥結若不結必下清血其脉躁者必發黃也

大陽病而熨其背大汗必出火氣入胃胃中乾必發荒語

辨可水形證

太陽病差後胃中乾燥不得眠睡渴欲飲水當稍稍飲之卽愈也若嘔吐熱在膈上思水者與五苓散卽可飲水也傷寒七八日大渴欲飲水然當與之常令不足勿極意也凡傷寒病能飲水者爲欲愈也若不渴而強與之因此成禍者其數多矣

辨不可水形證

凡發汗後飲水水灌之其人必喘水藥不得入口入則爲逆傷寒結胸無熱證者宜與平和之藥若以水灌之益令熱不

飲水下
以之字

聖惠方
得出當汗而不汗即煩假令汗出後腹中痛可服和氣止痛之藥
寸口脉浮大醫反下之此為大逆浮則無血大則為寒寒
氣相搏即為腸鳴醫不知而反飲其水令汗大出水得寒
氣冷必相搏其病必噎也

傷寒五六日而渴欲飲未宜與也為腹中熱氣尚少不能
消之便更作病深矣若大渴者宜與之也

辯可溫形證

大法冬宜熱藥

凡病發熱頭痛脉浮數身有疼痛宜溫其表
太陽病下利不渴其藏有寒當宜溫之其人欲食入則吐
手足寒脉弦遲此為中寒不可吐下也當宜溫之

身自腹
鳴脉經
作因雨
腸鳴

少陰病其脉沉者急當溫之
下利不食者當宜溫之
下利
脉遲緊為痛未止下利脉浮大者此皆為虛宜溫之

凡脉浮革身自腹鳴若渴與之水者必噦宜溫之

夫病下之後續得下利水穀不止身體疼痛急當救裏宜
溫之與治中四逆附子湯諸溫藥之輩

傷寒三陰三陽應用湯散諸方

桂枝湯方

桂枝附子湯方

桂心芍藥湯方

桂枝麻黃湯方

桂枝人參湯方

麻黃湯方

麻黃附子湯方

木附湯方

小柴胡桂枝湯方 大柴胡湯方

小柴胡湯方 葛根湯方

葛根半夏湯方 半夏湯方

厚朴湯方 葛根黃連湯方

神丹圓方 瓜蒂散方

甘遂散方 蒸法出汗

六味青散方 大青龍湯方

小青龍湯方 橘皮湯方

竹葉湯方 豬苓湯方

五苓散方 伏苓湯方

甘草桔梗湯方 茵陳湯方

梔子湯方 瀉心湯方

半夏瀉心湯方 乾薑湯方

黃芩湯方 抵當湯方

白虎湯方 玄武湯方

建中湯方 龍骨牡蠣湯方

四逆湯方 當歸四逆湯方

桃人養氣湯方 大養氣湯方

小養氣湯方 桃花湯方

吳茱萸湯方 白通湯方

大陷胸湯方

小陷胸湯方

桂枝湯方

桂枝一兩 赤芍藥一兩 甘草半兩炙

右件藥擣篩為散每服四錢以水一中盞入生薑半分 棗三枚煎至六分去滓不計時候熱服

桂枝附子湯方

桂枝一兩 附子一兩炮裂 去皮臍 赤芍藥一兩

甘草半兩炙

右件藥擣篩為散每服四錢以水一中盞入生薑半分 棗三枚煎至五分去滓不計時候熱服

桂枝芍藥湯方

桂枝一兩 赤芍藥一兩 人參一兩去蘆頭 甘草半兩炙

右件藥擣篩為散每服四錢以水一中盞入生薑半分 棗三枚煎至五分去滓不計時候熱服

桂枝麻黃湯方

桂枝一兩 麻黃一兩去根節 赤芍藥一兩 杏仁一兩湯浸 去皮尖雙

人參炒 甘草半兩炙

右件藥擣篩為散每服四錢以水一中盞入生薑半分 棗三枚煎至五分去滓不計時候熱服

桂枝人參湯方

桂枝 二兩 人參 一兩去蘆頭 白朮 一兩 乾薑 一兩炮裂剉

甘草 半兩炙微赤剉

右件藥搗篩為散每服三錢以水一中盞煎至五分去滓不計時候溫服

麻黃湯方

麻黃 二兩去根節 桂枝 一兩 杏仁 一兩湯浸去皮尖雙人麩炒微黃

甘草 半兩炙微赤剉

右件藥搗篩為散每服四錢以水一中盞入生薑半分棗三枚煎至五分去滓不計時候溫服

麻黃附子湯方

麻黃 二兩去根節 附子 一兩炮裂去皮臍 甘草 半兩炙微赤剉

右件藥搗篩為散每服四錢以水一中盞入生薑半分棗三枚煎至五分去滓不計時候熱服

木附湯方

白朮 一兩 附子 一兩炮裂去皮臍 桂枝 一兩

甘草 半兩炙微赤剉

右件藥搗篩為散每服四錢以水一中盞入生薑半分棗三枚煎至五分去滓不計時候溫服

小柴胡桂枝湯方

柴胡 一兩去苗 桂心 一兩 黃芩 一兩 人參 一兩去蘆頭

半夏一兩湯洗七反去滑

赤芍藥一兩 甘草半兩炙微赤剉

右件藥擣篩為散每服四錢以水一中盞入生薑半分棗三枚煎至五分去滓不計時候熱服

大柴胡湯方

柴胡一兩 枳實半兩 黃芩一兩 赤芍藥一兩

半夏一兩湯洗七反去滑

右件藥擣篩為散每服四錢以水一中盞入生薑半分棗三枚煎至五分去滓不計時候熱服

小柴胡湯方

柴胡二兩 黃芩一兩 人參一兩 半夏一兩

甘草半兩炙微赤剉

右件藥擣羅為散每服四錢以水一中盞入生薑半分棗三枚煎至五分去滓不計時候熱服

葛根湯方

葛根二兩 麻黃二兩 赤芍藥一兩 桂心一兩

甘草半兩炙微赤剉

右件藥擣篩為散每服四錢以水一中盞入生薑半分棗三枚煎至五分去滓不計時候熱服

葛根半夏湯方

葛根一兩 半夏一兩 桂心一兩

甘草半兩炙微赤剉

右件藥擣篩為散每服四錢以水一中盞入生薑半分棗三枚煎至五分去滓不計時候熱服

甘草 半兩炙 微赤剉 麻黃 一兩去根節 赤芍藥 一兩

右件藥擣篩為散每服四錢以水一中盞入生薑半分棗三枚煎至五分去滓不計時候熱服

半夏湯方

半夏 一兩湯浸 七反去滑

桂心 一兩

甘草 半兩炙 微赤剉

右件藥擣篩為散每服五錢以水一中盞入生薑半分煎至五分去滓不計時候溫服

厚朴湯方

厚朴 一兩去鹿皮塗生薑汁炙令香熟

半夏 二兩湯洗 七反去滑

人參 一兩去蘆頭 甘草 一兩炙 微赤剉

右件藥擣篩為散每服四錢以水一中盞入生薑半分煎至五分去滓不計時候溫服

葛根黃連湯方

葛根 二兩剉

黃連 半兩去鬚

黃芩 一兩

甘草 半兩炙 微赤剉

右件藥擣篩為散每服四錢以水一中盞煎至五分去滓不計時候溫服

神丹圓方

朱砂 一兩細研 水飛過

附子 一兩半炮 裂去皮臍

川烏頭 一兩半炮 裂去皮臍

半夏 一兩湯洗 七反去滑

赤伏苓 一兩 人參 一兩去蘆頭

聖惠方
右件藥搗羅爲末煉蜜和圓如梧桐子大每服以生薑湯下五圓良久喫熱粥一盞投之以得汗爲度
瓜蒂散方

瓜蒂 一兩
赤小豆 四兩

右件藥搗細羅爲散每服二錢以溫水調服藥下便臥卽當有吐候食頃若不吐卽再服之如夏不吐卽增藥服之以吐爲度吐出青黃如菜汁者爲佳若吐少病不除者次日如前法更服可至再三不令虛也藥力過時不吐卽服熱湯一盞以助藥力若服藥過多者飲冷水解之

耳遂散方一名水導散

甘遂 半兩煨
令微黃 白芷 半兩

右件藥搗細羅爲散每服一錢以溫水調服

蒸法出汗

大右以薪火燒地良久掃去火微用水洒地取蚕沙桃葉栢葉糠及麥麩等皆可用之鋪着地上令厚二三寸布席臥上蓋覆以汗出爲度不得過熱當審細消息汗出周身便佳良久不止後以粉粉之勿令汗出過多也

六味青散方

川烏頭 一兩炮裂
去皮臍

桔梗 一兩去蘆頭
白朮 一兩

附子 一兩炮裂 去皮臍

防風 一兩去蘆頭 細辛 一兩

右件藥搗細羅為散每服二錢以生薑湯調服服藥後食頃不汗出者飲稀粥一盞以發之暖覆汗出漿漿可也勿令流離汗出若汗大出不止者溫粉粉之如未得汗者當更服之以得汗為度

大青龍湯方

麻黃 二兩去根節 桂心 一兩

杏仁 一兩湯浸去皮尖 雙入 麩炒微黃

石膏 一兩

右件藥搗篩為散每服四錢以水一中盞入生薑半分煎三枚煎至五分去滓不計時候溫服

小青龍湯方

麻黃 二兩去根節 赤芍藥 一兩 細辛 一兩 桂心 一兩

五味子 一兩 乾薑 一兩炮裂 半夏 一兩湯洗七反去滑

右件藥搗篩為散每服四錢以水一中盞煎至六分去滓不計時候溫服

橘皮湯方

陳橘皮 一兩湯浸去白瓢焙 生薑 一兩

右件藥細剉和勻分為四服每服以水一中盞煎至六分去滓不計時候溫服

竹葉湯方

聖惠方

竹葉 每服入二七片細切

石膏 二兩 麥門冬 一兩去心

半夏 一兩湯洗七反去滑

人參 一兩去蘆頭 甘草 一兩炙微赤剉

右件藥搗篩為散每服四錢以水一中盞入生薑半分煎至五分去滓不計時候溫服

猪苓湯方

猪苓 一兩去黑皮 赤伏苓 一兩 澤瀉 一兩 阿膠 一兩搗碎炒令微黃

滑石 一兩

右件藥搗篩為散每服四錢以水一中盞煎至五分去滓不計時候溫服

五苓散方

赤伏苓 一兩 猪苓 一兩去黑皮 白朮 一兩 澤瀉 一兩

桂心 一兩

右件藥搗篩為散每服四錢以水一中盞入生薑半分棗三枚煎至五分去滓不計時候熱服以汗出為度

赤伏苓湯方

赤伏苓 一兩 桂心 一兩 甘草 半兩炙微赤剉

右件藥搗篩為散每服四錢以水一中盞入生薑半分棗三枚煎至五分去滓不計時候熱服

甘草桔梗湯方

甘草 一兩炙微赤剉 桔梗 一兩去蘆頭

甘草 一兩炙微赤剉

桔梗 一兩去蘆頭

右件藥搗篩為散每服五錢以水一中盞煎至五分去滓不計時候温服

茵陳湯方

茵陳一兩 梔子人一兩 川大黃一兩碎微炒 人參薑半分

右件藥搗篩為散每服四錢以水一中盞煎至五分去滓不計時候温服

梔子湯方

梔子人一兩 甘草一兩炙微赤剉 以水一中盞入生薑半分

右件藥搗篩為散每服四錢以水一中盞入豉五十粒煎至五分去滓不計時候温服

瀉心湯方

川大黃一兩剉碎微炒 黃連半兩去鬚

右件藥並細剉和勻每服半兩以水一大盞煎至五分去滓不計時候温服

半夏瀉心湯方

半夏二兩湯洗七反去滑 黃芩一兩 乾薑一兩炮裂剉

人參一兩去蘆頭 甘草半兩炙微赤剉 黃連一兩去鬚

右件藥搗篩為散每服四錢以水一中盞入生薑半分棗三枚煎至五分去滓不計時候温服

乾薑湯方

乾薑 一兩炮裂剉 甘草 一兩炙微赤剉

右件藥搗篩為散每服三錢以水一中盞煎至五分去

滓不計時候溫服

黃芩湯方

黃芩 一兩 赤芍藥 一兩 甘草 半兩炙微赤剉

右件藥搗篩為散每服四錢以水一中盞煎至五分去

滓不計時候溫服

抵當湯方

水蛭 半兩微炒 蜚蠊 半兩微炒 桃人 半兩湯浸去皮尖雙人麩炒微黃

川大黃 一兩剉碎微炒

右件藥搗篩為散每服三錢以水一中盞煎至五分去

滓不計時候溫服

白虎湯方

知母 二兩 石膏 三兩 甘草 一兩炙微赤剉

右件藥搗篩為散每服五錢以水一大盞入粳米五十

粒煎至五分去滓溫服

玄武湯方

赤伏苓 一兩 赤芍藥 一兩 附子 一兩炮裂去皮臍

白朮 一兩 右件藥搗篩為散每服四錢以水一中盞入生薑半分

白朮 一兩

赤伏苓 一兩 赤芍藥 一兩 附子 一兩炮裂去皮臍

白朮 一兩 右件藥搗篩為散每服四錢以水一中盞入生薑半分

白朮 一兩

右件藥搗篩為散每服四錢以水一中盞入生薑半分

棗三枚煎至五分去滓不計時候熱服

建中湯方

桂心一兩

白芍藥一兩

甘草半兩炙微赤剉

右件藥搗篩為散每服四錢以水一中盞入生薑半分

棗三枚煎至五分去滓下入錫半兩和勻不計時候熱

服

龍骨牡蠣湯方

龍骨一兩

牡蠣一兩燒如粉

桂心半兩

甘草半兩炙微赤剉

右件藥搗篩為散每服三錢以水一中盞煎至五分去

滓不計時候溫服

四逆湯方

附子一兩炮裂去皮臍

乾薑一兩炮裂剉

甘草一兩炙微赤剉

右件藥搗篩為散每服四錢以水一中盞入棗三枚煎

至五分去滓熱服

當歸四逆湯方

當歸一兩

桂心一兩

細辛一兩

白芍藥一兩

木通半兩剉

甘草半兩炙微赤剉

右件藥搗篩為散每服五錢以水一中盞入生薑半分

棗三枚煎至六分去滓不計時候溫服

桃人養氣湯方

桃人半兩湯浸去皮尖 桂心半兩 川大黃一兩剉

川朴消一兩 甘草半兩炙

右件藥搗篩為散每服四錢以水一中盞煎至五分去滓不計時候溫服

大秉氣湯方

川大黃一兩剉 厚朴半兩去麋皮塗生薑汁炙令香熟

枳實半兩麩炒微黃

右件藥搗篩為散每服四錢以水一中盞煎至五分去滓不計時候溫服以利為度

小秉氣湯方

川大黃一兩剉 川芒消一兩 甘草半兩炙

右件藥搗篩為散每服四錢以水一中盞煎至五分去滓不計時候溫服

桃花湯方

桃花石二兩 乾薑半兩炮 粳米半合

右件藥以水二大盞煎至一大盞去滓分為二服食前服之

吳茱萸湯方

吳茱萸一兩湯浸七反焙乾微炒 人參二兩去蘆頭

右件藥搗篩為散每服三錢以水一中盞入生薑半分

棗三枚煎至五分去滓不計時候熱服

白通湯方

附子一兩炮裂去皮臍

乾薑一兩炮裂剉

右件藥擣篩為散每服四錢以水一中盞入葱白二莖煎至五分去滓不計時候熱服

大陷胸湯方

川大黃一兩剉碎微炒

川芒消一兩 甘遂半兩煨令微黃

右件藥擣篩為散每服二錢以水一中盞煎至五分去滓不計時候溫服

小陷胸湯方

川芎一兩 甘草半兩炙

黃連一兩去鬚 半夏二兩湯洗七反去滑

菰蘆一枚

右件藥並細剉每服半兩以水一大盞入生薑半分煎至五分去滓不計時候溫服

治傷寒四日諸方

治傷寒五日諸方

治傷寒六日諸方

治傷寒七日諸方

治傷寒八日諸方